

堯山堂外紀

堯山堂外紀卷十六

晉陵蔣仲舒編

六朝梁

沈約

字休文，歲劣多病，日燠數米而食，羹不過一筋，六月有綿絹溫燠，食薑椒飯，不爾

則委頓家，歲書十二萬卷，然心解惡聞人，一善如萬箭攢心，子旋字士規，次子趨字

孝經，並給

事黃門

齊隆昌初，沈約以吏部郎出為東陽太守，題八詠詩于玄暢樓，時號絕唱，後人因更玄暢為八詠

樓其詩曰危峰帶北阜高頂出南岑中有凌風  
榭。迎望川之陰。岸險每增減。湍平互淺深。水流  
本三派。臺高乃四臨。上有離羣客。客有慕歸心。  
落暉映長浦。燠景燭中潯。雲生嶺下黑。日下溪  
半陰。信美非吾土。可事不抽簪。

武帝在雍鎮有童謠云襄陽白銅蹄反縛揚州兒  
識者謂白銅蹄為金蹄馬及義郎興實以鐵騎  
揚州之士皆縛果如謠言卽位後更造新聲而

自為詞三曲。又令沈約為三曲。又破管絃名白  
銅鞮歌。歌曰。陌頭征人去。閨中女下機。含情不  
能言。送別沾羅衣。草樹非一香。花葉百種色。寄  
語故情人。知我心相憶。龍馬紫金鞍。翠眊白玉  
羈。照耀雙闕下。知是襄陽兒。

武帝作白紵舞詞四句。令沈約改其辭為四時白  
紵歌。帝辭曰。朱絃玉柱。羅象筵。飛管促節。舞少  
年。短歌留目。未肯前。含笑一轉。私自憐。約奉勅

造白紵五章春白紵云蘭葉參差桃半紅飛芳  
舞穀戲春風如嬌如怨狀不同含笑流眄滿堂  
中夏白紵云朱光灼爍照佳人含情送意遙相  
親嫣然一轉乳心神非予之故欲誰因秋白紵  
云白露欲凝草已黃金瑄玉柱響洞房雙心一  
意俱徊翔吐情寄君口莫忘冬白紵云寒閨晝  
密羅幌垂垂容麗色心相知雙去雙還誓不移  
長袖拂面為君施夜白紵云秦箏齊瑟燕趙女

一朝得意心相許。明月如規方襲予。夜長未央歌白紵。章末各綴四句云。翡翠羣飛飛不息。願在雲間長比翼。佩服瑤草駐容色。舜日堯年歡無極。

沈尚書製郊居賦。構思積時。猶未都畢。要王詹事

示其草。王讀至雌霓。

五激反

連蹇。尚書曰。僕嘗恐

人呼作霓。

五駕反

次至墜石。碓星及冰縣。炤而帶

坻。王皆擊節贊賞。尚書曰。知音者希。真賞殆絕。

所以相邀正此數句耳

沈約以佐命勲位冠梁朝晚年新進用事者忌其  
固位取約所為薤蔥詩乘間以白武帝其詩曰  
野馬不任騎兔絲不任織爾非草與蒿豈供麋  
鹿食帝不能堪未幾得道士赤章事遂大發怒  
約以憂死約嘗侍武帝燕有妓師是齊文惠宮人帝問識坐中客不曰惟識沈家令  
約伏坐流涕帝亦悲感為之罷酒初梁廢齊和帝為巴陵王又欲以南海郡為巴陵國徙王居之約曰魏武所云不可慕虛名而受實禍帝乃遣鄭伯禽以醇酒進王執摺殺焉至是約夢齊

和帝以劍斷其舌召巫覡之巫言如夢約乃呼道士奏赤章於天稱釋代之事全不由已故帝諡之

曰隱

約二子並能詩旋賦得螢火云火中變腐草明滅  
靡恒調雨墜弗虧光陽昇反奪照泊樹類奔星  
集草疑餘燎望之如可灼攬之徒有耀趨賦得  
霧云窈鬱蔽園林依霏被軒牖睇有始疑空瞻  
空復如有遊蛇隱遙漢文豹栖南阜既殊三五  
輝遠望徒延首

約嘗指其子謂陸喬曰此吾愛子也自幼博洽因以青箱名之



未知二人孰是

江淹

字文通為浦城令嘗言碧水丹山平生所酷好何嫌作吏僻遠也後封醴陵侯

幼時夢神人授五色筆筆端生花由是文藻日進一日宿冶亭夢一美丈夫自稱郭

璞呼曰吾有筆在卿處多年可以見還江

探懷中以筆授之後為詩絕無美句時謂

才盡又泊船禪靈寺渚夢張景陽謂曰前

一匹錦相寄今可見還江探懷中得數尺

與之此人大恚曰那得裁割都盡顧見丘

遲謂曰餘此數尺當遂遺君江自爾文思

減類

江文通壁上有雜畫皆作山水好勢仙者五六雲

氣生焉。悵然會意。各題小讚。題王太子云。子喬  
好輕舉。不待煉銀丹。控鶴去窈窕。學鳳對鸞。  
山無一春草。谷有千年蘭。雲衣不躑躅。龍駕何  
時還。題陰長生云。陰君惜靈骨。珪璧詎為寶。日  
夜名山側。果得金丹道。憂傷永不至。光顏如碧  
草。若度西海時。致意三青鳥。題白雲云。紫烟世  
不覲。赤鱗庖所捐。白雲亦海外。益益起三山。蕭  
瑟玉池上。容裔帝臺前。欲知青都裏。乘此乃登

天題秦女云青琴既曠世綠珠亦絕羣猶不及  
秦女十五乘綵雲璧質人不見瓊光俗詎聞願  
使洛靈往為我道音分

江革

潯陽太守非漢  
孝子江革也

武帝盛興佛教朝賢多啟求受戒革精信因果而  
帝未知謂革不奉佛乃賜革覺意詩曰唯當勤  
精進自強行勝修豈可作底突如彼必成囚  
江革清嚴為屬吏所憚不與典籤趙道智坐道智

還都啟事。誣奏革墮事。好酒以瑯琊王曇聰代。  
為行事。南州士庶為之語曰：「故人不道，智新人。  
佞散騎，莫知度。不度新人，不如故。」

何記室與江革聯句不成。革嘲以詩曰：「龍鱗無復  
彩鳳翅，於茲鍛疇昔。似翩翩，今辰何乙乙。」

任昉

字彥升，以文才見知時人。云任筆沈詩昉聞甚以為病。晚節轉好著詩，欲以傾

沈稽彥回嘗謂其父曰：「卿有令子，所謂百  
不為多，一不為少。」武帝與昉友善，始謂昉  
曰：「我登三府，當以卿為記室。」昉亦戲帝曰：「  
我登三府，當以卿為騎兵。」帝善射步也。

帝克建業乃引  
昉為記室參軍

天監初任昉出守義興要道既兄弟之郡為山澤  
遊昉還為御史中丞後進皆宗之時彭城劉孝  
綽劉苞劉孺吳郡陸倕張率陳郡殷芸沛國劉  
顯及溉洽車軌日至號曰蘭臺聚陸倕贈昉詩  
云和風雜美氣下有真人遊壯矣荀文若賢哉  
陳太立今則蘭臺聚萬古信為儔任君本達識  
張子復清修既有絕塵到復見黃中劉時謂昉

為任君比漢之三君到則漑兄弟也

防守郡縣  
潔吏民歸

心嘗行春溪旁見大石往  
往坐釣其上固君防溪村

到漑為建安太守任防寄詩求二彩段云鐵錢兩

當一百易代名實為惠當及時無待涼秋日漑

答詩云予衣本百結閨中徒八纒假金金如粟

詩使廉夫貪

有客於任防座賦詩而其詩不類  
任云卿詩可謂高厚其人大怒曰

遂以我詩  
為狗號

到漑餉任新安斑竹杖因贈詩曰邛竹藉舊聞靈

壽資前職復有冒霜筠寄生桂潭側文彩旣瑳  
爛質性甚綱直所以天天真為有秉危力未嘗  
以過接屢經芸苗植昉答詩云故人有所贈稱  
以冒霜筠定是湘妃淚潛灑遂隣彬扶危復防  
咽事歸薄暮人勞君尚齒意矜此杖鄉辰復資  
後生彥候余方欠伸獻君千里笑紆我百憂頻  
坐遠雖有器臥遊苦無津何由乘此竹直見平  
生親

昉子東里西華南容北叟並無學術墜其  
家聲流離不自振西華冬月寄葛坡練裙

道達劉孝標法然於之曰我當為卿作論乃著  
廣絕交論議其故友到泚抵其文於地乃終身  
之恨

任昉大同四年七月於鍾山壙中得銘曰龜言土  
著言水旬服黃鐘發靈祉。瘞在三上庚墮遇七  
中已六千三百決晨矣。三九重三四百圯。當時  
莫能辨昉丑世孫升之以問鄭欽乃悟卜宅者  
度葬之歲月日辰而識其墓地殆無一字閑設  
又毫釐不差云



到溉

字茂灌兄。弟洽。後弟沉。一時俱有美名。溉洽恒共居一齋。洽卒後。便捨為寺。

蔣山有延賢寺。溉家世所立。溉得休祿。皆充二寺。其告近淮水齋前山池。有奇礪石。長一丈六尺。武帝戲與睹之。并禮記一部。既還。勸為召。即迎置華林園宴殿前。移石之。曰。都下傾城。縱觀。所謂到公石也。洽字茂澄。

到茂灌與弟茂洽皆有文才。兼善言理。時人比之。

二陸。世祖嘗贈詩云。魏世重雙丁。晉朝稱二陸。何如今兩到。復似凌寒竹。

到溉被武帝賞接。每與對。恭或復失寢。加以低睡。

帝詩嘲之曰狀若喪家狗又似懸風槌當時以  
為笑樂

到漑掌吏部尚書時何敬容以令叅選事有不允  
漑輒相執敬容謂人曰到漑尚有餘臭遂學作  
貴人初漑祖彥之微時以擔糞自給故世以為  
譏云到洽一日問劉孝綽吾甚欲買東隣地以  
益宅而其主難之奈何孝綽曰但多輦糞於其  
旁以苦之洽怒孝綽又嘗與洽同遊東宮劉自

以為才優於到每於宴坐嗤鄙其文到深啗之  
及劉為廷尉正携妻入官府其母猶停私宅到  
尋為御史中丞遣令史按其事遂劾奏云携少  
妹於華省棄老母於下宅高祖為隱其惡改妹  
為妹免孝綽官

到溉子鏡早卒孫蓋早聰慧嘗隨武帝幸京口登  
北固樓賦詩蓋受詔便就上以示溉曰蓋定是  
才子翻恐卿從來文章假手於蓋因賜溉連珠

曰硯磨墨以騰文筆飛毫以書信如飛蛾之赴火豈焚身之可恡必耄年其已及可假之於少盡後漑每和御詩上輒手詔戲漑曰得無貽厥之力乎

劉孝綽

字孝綽本名冉小字阿士繪之子七歲能屬文舅王融深賞異之號曰神

童膏曰天下文章若無我當歸阿士武帝時除秘書丞曰第一官當與第一人

劉孝綽年十四父黨沈約任昉范雲等聞其名命駕造焉昉尤相賞愛天監初孝綽起家著作佐

齊山堂外紀卷十一  
郎為歸沐詩贈昉昉報曰閱水既成瀾歲舟遂  
移壑彼美洛陽子投我懷秋作父敬類誠言吹  
噓似嘲謔兼稱夏雲盡復陳秋樹索詎慰耄嗟  
人徒深老夫託直史兼褒貶轄司專疾惡九折  
多美疹匪報庶良藥子其崇鋒穎春耕勵秋穫  
沙門重公嘗謁武帝問曰聞在外有四聲何者為  
是重公應聲答曰天保寺刹出逢劉孝綽說以  
為能綽曰何如道天子萬福

孝綽辭藻為後進所宗時重其文每作一篇朝成  
暮編好事者咸誦嘗為詩曰塞外羣鳥返雲中  
侶鴈歸高祖見大怒卽奪侍郎又為詩二首其  
一曰鳴鑣響夾轂飛蓋倚林廬其二曰城闕山  
林遠一去不相聞高祖嗟賞復侍郎沈約曰卿  
以詩失黃門還以詩得黃門孝綽曰此卽旣為  
風所開復為風所落也

有人從孝綽乞牛舌乳不付因餉檳榔并貽詩曰

陳乳何能貴。爛舌不成玕。空持渝皓齒。非但汗  
丹唇。別有無枝實。曾要湛上人。羞比朱櫻熟。詎  
易紫梨津。莫言蒂中父。當看心裏新。微芳雖不  
足。含咀願相親。

劉孝綽遙見鄰舟主人投一物衆姬爭之有客請  
為詠孝綽卽操筆曰河流旣浼浼河鳥復閨閨  
落花浮浦出飛雉度洲還此日倡家女競嬌桃  
李顏良人惜美珥欲以代芳管新縑疑故素盛

趙茂哀班曳綃爭掩穀搖佩奮鳴環客心空振  
蕩喬枝不可攀。

孝綽三妹並有才學而令嫺最幼世稱劉三孃者  
是也孝綽罷官屏門不出為詩十字題其門曰  
閉戶罷慶弔高臥謝公卿令嫺續之曰落花掃  
更合叢蘭摘復生嘗摘同心梳子贈謝娘因附  
詩曰兩葉誰為贈交情永未因同心何處恨梳  
子最關人。



劉孝綽長妹適王淑英次適張嶸而令嫺適徐悝  
悝卒令嫺為祭文辭甚悲愴其略曰生死並殊  
親情猶一敢道先好羊調薑橘悝父勉欲為哀  
辭見之遂閣筆

孝綽長妹世稱劉大娘與妹令嫺齊名贈外詩云  
粧鉛點黛拂輕紅鳴環動珮出房櫳看梅復看  
柳淚滿春衫中

王僧孺

東海郢人蘭陵太守武帝制春景明  
志詩五百字教沈約以下辭人同作

以僧孺  
為工

有貴者初迎盛姬僧孺見而戲為之詠曰久想專  
房麗未見傾城者千金訪繁華一朝遇容冶家  
本薊門外來戲叢臺下長卿幸未匹文君復新  
寡

陳南康新納姬僧孺月夜戲詠曰二八人如花三  
五月如鏡開簾一種色當戶兩相映重價出秦  
韓高名入燕鄭十城屢請易千金幾爭聘君意

自能專妾心。本無競。

王僧孺為人寵姬有怨賦詩一章其詩曰可憐獨立樹。枝輕根易搖。已為露所泥。復為風所飄。錦衾褰不開。端坐夜及朝。是妾愁成瘦。非君重細腰。又曰自知心裏恨。還向影中羞。迴持昔慊慊。變作今悠悠。還君與妾扇。歸妾奉君裘。斷弦猶可續。心去最難留。

柳惲

字文暢。河東解人。與謝滄。辟居相友。愛滄曰宅南柳。鄙可為儀表。兄弟十五人。

懷惲惲悅述為侍中武帝謂  
惲其美分其才藝足了十人

惲以貴公子早有令名工篇什為詩云亭臯木葉  
下隴首秋雲飛王元長歎以為佳因書齋壁及  
所執白團扇

武帝每與宴必詔惲賦詩嘗和武帝登景陽樓詩  
曰太液滄波起長陽高樹秋翠華承漢遠雕輦  
逐風游深見賞美當時咸共稱傳

吳均

字叔庠吳興故鄣人

柳惲為吳興太守召吳均補主簿日引與賦詩均  
文體清拔有古氣好事者效之謂為吳均體嘗  
為詩曰秋風灑白水鴈足印黃沙沈隱侯語之  
曰印黃沙語太險均曰亦見公詩云山櫻發欲  
然約曰我姑欲然卿已印訖

柳惲薦吳均于臨川王王稱之帝即日召入賦詩  
大悅詔著作均為劔駢詩曰何時見天子畫地  
取關西帝笑謂曰天子今見關西安在均默然

無答

吳叔庠寶劒篇曰我有一寶劒出自昆吾溪照人  
如照水切玉如切泥鐔邊霜凜凜匣上風淒淒  
寄語張公子何當來見攜

吳叔庠嘗有詩贈周散騎興嗣周答詩曰驚鳧起  
北海儀鳳飛上林騫低不同翼歡楚亦殊音曠  
曠夕雲起落落曉星沉李陵報蘇武但令知我  
心

興嗣字思纂聰明多才思武帝教諸王書令  
殷鐵石於大王書中撮一千字不重者每字

一片紙雜碎無叙召與嗣謂曰卿有才思為我  
韻之與嗣一夕編次進上鬢髮皆白大被賞遇  
歸而兩目俱喪死時心如掬泥丸唐進士周遜  
更撰天寶應道千字文將進之請頒行天下先  
呈宰相執右相陳希烈問之曰有添換乎遜曰翻  
碎舊文一無添換又問翻破盡乎對曰盡右相  
曰批把二字如何翻破遜曰唯此兩字依  
舊右相曰若如此還未盡遜逡巡不能對

何遜

字仲言八歲能詩弱冠州舉秀才范  
雲見其對策大相稱賞因結忘年交

何遜為建安王水曹王刺揚州遜解舍有梅花一  
株日吟咏其下賦詩云兔園標物序驚時最是  
梅銜霜當路發映雪擬寒開枝橫却月觀花繞

淡風臺朝灑長門泣夕駐臨邛杯應知早飄落  
故逐上春來後居洛思之再請其任抵揚州花  
方盛開遜對花彷徨終日不能去

何遜與范雲劉孝綽聯句作擬古詩遜賦曰家本  
青山下好上青山上青山不可上一上一惆悵  
雲賦曰匣中一明鏡好鑑明鏡光明鏡不可鑑  
一鑑一情傷孝綽賦曰少知雅琴曲好聽雅琴  
聲雅琴不可聽一聽一沾纓

沈約嘗謂遜曰吾  
每談卿詩一日三



復猶不能已李商隱有詩曰寄言  
何遜休聯句瘦盡東陽姓沈人

何遜與劉綺照水聯句遜倡云梅花行理鬢遷延  
去復歸雖憐水上影復恐濕羅衣綺續云臨橋  
看黛色映渚媚鉛暉不顧春荷動彌畏小禽飛  
何遜與韋黯王江乘相送聯句韋黯云寸陰常可  
惜別至倍傷神子瞻天際水予望路中塵何遜  
云憫憫岐路側去去平生親一朝事千里流涕  
向三春王江乘云昔共入門笑今成送別悲君

還舊聚處為我一頻眉何遜云於今還促膝自  
此客江湄願子俱停駕看我獨解維

何遜文章與劉孝綽並見推重世謂之何劉然劉  
甚忌之平生誦何詩云遜居向北闕愴愴不道  
車又撰詩苑止取何兩篇時人譏其不廣

高祖嘗作五字疊韻曰後牖有榴柳命朝士並作  
劉孝綽曰梁王長康強沈約曰偏眠船舷邊庾  
肩吾曰載乚每礙埭徐摛曰臣昨祭禹廟殘六

斛熟鹿肉何遜用曹瞞故事曰曠蘇姑枯盧吳  
均沉思良久竟無所言高祖愀然不悅俄有詔  
曰吳均不均何遜不遜宜付廷尉

遜與宗人思澄及子朗俱擅文名時人語曰東海  
三何子朗最多思澄聞之曰此言誤耳如其不  
然故當歸遜思澄意謂宜在已也子朗早有才  
思嘗為敗冢賦擬莊周馬捶其文甚工世人語  
曰人中爽爽有子朗

何思澄少勤學工文爲遊廬山詩沈約見之大相  
稱賞自以爲弗逮約郊居宅新構閣齋因命工  
書人題此詩於壁又詠美人詩有媚眼隨羞合  
丹唇逐笑分之句爲世所傳誦云

王籍

字文海七葉之  
中人人有集

天監中王文海除湘東王諮議叅軍開府會稽郡  
境有雲門天柱山王嘗出遊累月不返至若耶  
溪賦詩曰蟬噪林逾靜鳥鳴山更幽當時以爲

文外獨絕劉孺見之擊節不能已

王筠

字元禮一字德柔好弄葫蘆每吟咏則注水於葫蘆傾已復注若擲之於地則

詩成矣沈約嘗啟上言晚來名家無先筠者嘗謂筠曰昔蔡伯喈見主仲宣曰吾家書藉悉當相與僕雖不敏請附斯言

王筠能用強韻有咏征婦裁衣行云襦襦雙心共  
一抹袒腹兩邊作八撮襟帶雖安不忍縫開孔  
纔穿猶未達胸前却月兩相連本照君心不照  
天

王筠楚妃吟句法極異其辭云牕中曙句花早飛

句林中明句鳥早歸句庭中日句暖春閨句香

氣亦霏霏句香氣漂句當軒清唱調句獨顧慕

句含怨復含嬌句蝶飛蘭復熏句裊裊輕風入

翠裙句春可遊句歌聲梁上浮句春遊方有樂

句沉沉下羅幕

庾肩吾

字子慎齊高士易之子長曰黔婁次

孝威等十人在晉安邸抄撰衆籍號

高齋學士隱居天台號天台逸民

虞山堂外集卷一  
虞易性恬靜以文義自娛長史袁象欽其風贈以  
鹿角書格蚌盤蚌研牙筆併一詩曰白日清明  
青雲遼亮昔聞巢許今聞臺尚易以連理几竹  
翹格報之

虞有吾少勤學能鼓琴善屬文宋子仙破會稽購  
得肩吾謂之曰昔聞汝能詩今可作若能當賞  
汝命肩吾操筆立成曰髮與年俱暮愁將罪共  
深聊持轉風燭暫映廣陵琴子仙乃釋之

庾肩吾燭影詩曰垂。猷垂。花比芳。樹隨風。隨水俱。  
難駐秦娥軟舞隙中來。李吾夜績光中度。燭龍  
潛曜城烏啼。陰陰疊鼓朝天去。

徐摛

字士績東海郡人簡文雅好文士摛與庾肩吾並預其選

徐摛文體輕麗春坊學之時人謂之宮體常有一  
人病癰摛戲賦曰朱血夜流黃膿晝瀉斜看紫  
肺正視紅肝又曰蟲上懸簾明知是箔魚遊畏  
網判見是罾又曰狀非快馬蹋脚相連席異儒



生帶經長臥其好為新奇類如此

徐摛詠筆詩云本自靈山出名因瑞草傳織端奉  
積潤弱質散芳烟直寫飛蓬引橫承落絮篇一  
蓬掌握重寧憶仲升捐

劉之遴

字思貞八歲能屬  
文與江總相推重

庾景初以蕭正德為帝劉之遴時落景所將使授  
璽綬之遴預知乃剃髮披法服乃免先是平昌  
伏挺出家之遴為詩嘲之曰傳聞伏不聞化為

支道林及之。遂遇亂，遂被染服。時人笑之。

高爽

廣夢人博學多才，坐事被繫，作護魚賦，自況其文甚工。後因赦得免。

孫抱為延陵縣高爽謁之，抱了無故人之懷，爽出從縣閣下過，取筆書鼓云：「徒有八尺圍腹，無一寸腸面皮，如許厚受打，未詎央抱形體肥壯，腰帶十圍，爽故以此譏之。」後又作履謎詩譏孫，庶云：「刺履不知嚏，蹋面不知瞑。齧齒作步數，持此得勝人。」

堯山堂外紀卷十六

三

衛敬瑜

妻王京時  
稱貞女

衛敬瑜妻霸城王氏女也年十六而敬瑜亡父母  
舅姑咸欲嫁之誓而不許乃截耳置盤中為誓  
遂止手為已婚種樹數百株墓前栢樹忽成連  
理一年許還復分散女因為詩曰墓前一株栢  
根連復並枝妾心能感木顏城何足奇  
貞女所居戶有燕巢常雙飛來去一日為鷺鳥所  
傷其一孤飛悲鳴徘徊至秋翔集貞女之臂如

告別然貞女以紅縷繫足曰新春復來為我侶  
也明年果至因為詩曰昔年無偶去今春猶獨  
歸故人恩義重不忍復雙飛自是秋歸春來凡  
六七年後貞女病卒燕來周張哀鳴家人語曰  
土京灰墳在南郭遂至墳所亦死每風清月明  
人見玉京與燕同遊灞水之上

堯山堂外紀卷十七

晉陵蔣一葵仲舒甫編

六朝

陳

徐陵

字孝穆橘之子母夢正色雲化為鳳集左肩已而生陵四歲竇誌摩其頂曰天

上石麒麟也目有青睛時人以為聰慧之相虞世基一見奇之謂朝士曰此當今潘陸因妻以女由梁入陳歷遷太子少傅子儉為郎中儀為尚書份為洗馬

徐孝穆嘗使魏魏人授館宴賓是日熱甚其主客魏收嘲陵曰今日之熱當由徐常侍來徐即答

曰昔王肅至此。為魏始制禮儀。今我來聘。使卿復知寒暑。收大慙。

徐孝穆長相思云。長相思。好春節。夢裏恒啼悲。不  
淺。帳中起。牕前咽。柳絮飛還聚。遊絲斷復結。欲  
見洛陽花。如君隴頭雪。蕭渾和云。長相思。久離  
別。新柳參差條可結。孤關遠。鴈書絕。對雲恒憶  
陣。看花復愁雪。猶有望歸心。流黃未剪截。

徐孝克陵第三弟也。亦善賦咏。作栖霞寺詩曰。戒

壇青石路靈相紫金身世以為工

陰鏗

字子堅詩與何遜齊名世稱陰何梁時為湘東王叅軍與賓客宴飲見行觴者

因以酒炙授之坐客皆笑鏗曰吾儕終日酣醉而執爵者不知味非人情也及侯景亂鏗為賊擒或救之得免問之乃前行觴者入陳為始興王錄事叅軍

侯安都為侍中引祖孫登劉刪陰鏗等為客孫登奉令詠風云颿颿楚王宮徘徊繞竹叢葉俱吟樹將花共儻空飄香雙袖裏乳曲五弦中試上高臺聽悲響定無窮詠水云驪泉紫閣映珠

浦碧沙沉岸闊蓮香遠流清雲影深風潭如拂  
鏡山溜似調琴請君看皎潔知有澹然心劉刪  
奉令詠妓云石家金谷妓粧罷出蘭閨看花只  
欲笑聞瑟不勝啼山邊歌落日池上舞前溪將  
入當桃李何處不成蹊陰鏗同賦云佳人遍綺  
席妙曲動鵲弦樓似陽臺上池如洛水邊鶯啼  
歌扇後花落舞衫前翠柳將斜日俱照晚粧鮮  
文帝嘗宴羣臣賦詩徐陵言陰鏗善五言帝卽日



召預宴使賦新成安樂宮銓援筆便就帝歎賞  
之其詩曰新宮實壯哉雲裏望樓臺迢遞翔鵑  
仰連翩賀燕來重櫺寒霧宿丹井夏一作夜蓮開  
砌石披新錦梁花畫早梅欲知安樂盛歌管襍  
塵埃

虞寄

字次安荔之弟陳寶應嘗使人讀漢書

貴不可言然起坐曰可謂智士寄曰通

一說殺三士何足言智豈若班彪王命識

所歸手實應不聽寄恐禍

及乃看居士服居東山寺

天嘉中陳寶應據閩中與錡異潜有異謀遂起兵  
反沙門慧標作五言詩送之曰送馬猶臨水離  
旗稍引風好看今夜月當照紫微宮寶應甚悅  
慧標齋以示虞寄寄謂所親曰標公旣以此始  
必以此終後寶應敗標從坐伏誅

張正見

字見贍梁太清初射策高第蜀亂  
避地匡俗山入陳遷散時侍郎

張正見星名從軍詩云將軍定朔邊刁斗出祁連  
高柳橫遙塞長榆接遠天井泉含凍竭烽火照

山燃欲知客心斷危旌萬里懸

沈炯

字初明約之後仕梁為吳令宋子仙據吳興通掌書記王僧辨購得之醉所獲

者鐵錢十萬後歸陳武帝以為御史中丞

沈炯有獨酌謠曰獨酌謠獨酌獨成謠智者不我顧愚夫余不要不愚復不智誰當余見招所以成獨酌一酌一傾瓢生涯本漫漫神理暫超超再酌輕許史三酌傲松喬頻頻四五酌不覺凌丹霄倏爾厭五鼎俄然賤九韶彭殤無異葬夷

踏可同朝龍蠖非。不屈鵬鷃本逍遙。寄語號呶  
侶。無乃太塵囂。

沈炯八音詩曰。金屋貯阿嬌。樓閣起迢迢。石頭足  
年少。大道跨河橋。絲桐無緩節。羅綺自飄飄。竹  
煙生薄晚。花色亂春朝。匏瓜詎無匹。神女嫁蘇  
韶。土地多妍冶。鄉里足塵囂。華年未相識。聲論  
動風飈。木桃底堪用。寄以答瓊瑤。

沈炯以閑居有樂四字作離合詩贈江藻曰。開門

枕芳野井上小桃紅。

離門字

林中藤蔦秀。木末風

雲高。

離木字門木合成閑

屋室何寥廓。至士隱蓬蒿。

離尸字

故知人外賞。文酒易陶陶。

離古字古合成居

友朋足詣

晤。又此盛詩騷。

離尸字

朗月同攜手。良景共含毫。

離月字尸月合成有。樂已有妙術。言是神仙曹。

離樂字

百年

肆偃仰。一理詎相勞。

離白字樂白成樂

沈炯和蔡黃門口字詠云。踽踽宮閣路。靈靈谷口

間。誰知名器品。語哩各崎嶇。

周弘正

字思行侯景亂元帝以為戶部尚書入陳位特進弟弘讓弘直弘讓嘗仕

侯景獲譏于世或問三周執賢曰若蜂腰矣

周弘正嘗造韋夔談謔盡日恨相遇之晚後請夔至賓館夔未赴弘正乃贈詩曰德星猶未動真車詎肯來夔卽逍遙公也為當時所欽如此

周弘正看新婚詩云莫愁年十五來聘子都家  
壻顏如美玉婦色勝桃花帶啼疑暮雨含笑似朝霞  
暫却輕紈扇傾城判不賒

謝貞

字元正晉太傅安九世孫少  
有至性仕始興王錄事參軍

謝元正幼便聰慧八歲為春日閑居詩從舅王筠  
奇其有佳致謂所親曰此兒方當大成至如風  
定花猶落乃追步惠連矣

陸瓊

字伯玉六歲為五言詩頗有詞采  
八歲於客前覆局都下號曰神童

陸瓊飲酒樂云蒲桃四時芳醇琉璃千鍾舊賓夜  
飲舞遲銷燭朝醒弦促催人春風秋月長好歡  
醉日月言新唐人破陣樂何滿子皆祖之

陸瓊栗賦云四時逸盛百果玄芳綠梅春馥紅桃  
夏香何羣品之浮脆惟此質之久長外刺同夫  
拱棘內紫甚於冰霜薦羞則栢榛並列加籩則  
菱芡同行金盤兮麗色玉俎兮鮮光周人以之  
戰懼大官稱於栢梁

### 伏知道

伏知道從軍五更轉云一更刁斗鳴校尉連連城  
懸聞射鵰騎遙憚將軍名二更愁未央高城寒



夜長試將弓學月。聊持劍比霜。三更夜警新橫。  
吹獨吟春。強聽梅花落。誤憶柳園人。四更星漢  
低落。月與山齊。依稀北風裏。胡笳襍馬嘶。五更  
催送籌。曉色映山頭。城烏初起堞。更人悄下樓。  
其後隋煬帝效之作龍舟五更轉

江總

字總持。少孤。依外氏。故杜詩云。江總外家養仕。陳為尚書令。世稱江令。宅在金陵。

青谿上。劉禹錫詩。南朝詞臣北朝客。歸來惟見秦淮碧。池臺竹樹三畝餘。至今人道江家宅。總為文次。至吟詠得意。則起策於牕上。不堪示。則投置。國中。久而文遂工。

江總持幼便聰慧神采英拔甚為瑯琊王元禮范  
陽張纘南陽劉之遴所重之遴嘗酬總詩其略  
曰上位居崇禮寺署隣栖息忌聞曉鶯唱每畏  
晨光艷高談意未窮晤對賞無極探志共遨遊  
休沐忘退食曷用銷鄙吝枉趾遘顏色上下數  
千載揚摧吐胸臆其為通人欽挹如此

梁武帝時江總舅蕭勃據廣州侯景之亂總往依  
焉自此流寓嶺南積歲遇長安使寄裴尚書詩

曰傳聞合浦葉遠送洛陽飛北風尚嘶馬南冠  
獨不歸去雲目徒送離琴手自揮秋蓬失處所  
春草屢芳菲太息關山月風塵客子衣

江總自長安歸還揚州九月九日行微山亭賦韻  
云心逐南雲逝形隨北鴈來故鄉籬下菊今日  
幾花開

金陵城東南十五里有婁湖吳張昭創以漑田昭  
封婁侯故名湖上有婁湖苑江總持秋日侍宴

苑中應詔賦詩曰翠渚還鑾輅。瑤池命羽觴。千  
門響雲蹕。四澤動榮光。玉軸昆池浪。金舟太液  
張。虹旗照島嶼。鳳蓋繞林塘。野靜重陰閣。淮秋  
水氣涼。霧開樓閣近。日迫煙波長。洛宴諒斯在。  
鎬飲詎能方。朽劣叨榮遇。簪笏奉周行。

周司馬消難以安陸附陳宣帝遇之甚厚以為司  
空見朝士皆重學術積經史消難切慕之乃多  
卷黃紙加之朱軸詐為典籍以矜僚友江總持

戲之曰黃紙五經赤軸三史

魯廣達為陳將被執憤慨而卒江總撫棺慟哭題  
其前和曰黃泉雖飲恨白日自畱名悲君抱義  
死不作負恩生

孔範

字法言後主以為都官尚書與孔貴人  
結為兄妹寵遇優渥陳亡入隋文帝暴

其過惡與王瑳王儀沈  
確名為四罪流之遠裔

孔範和後主詠鏡云虎賁愁興日龍鏡覽顏時懷  
恩未得報空歎髮如絲

長城公叔寶

字元秀小字黃奴史曰後主以宮人袁大捨等為女學士文士

江總等十人為狎客嘗泛舟樂遊于河忽遇雨浮漚生宮人指浮漚曰滿河珍珠因名其河為珍珠河

後主在東宮時張譏為東宮學士有玉柄麈尾至

佳後主親執之曰當今雖復多士如林堪執此

者獨張譏耳即手授譏後幸鍾山開善寺召從

臣坐寺西南松林下勅張譏暨義索麈尾未至

勅取松枝手以授譏

譏初仕梁為士林館學士

後主於光昭殿前起臨春結綺望仙三閣其牕牖  
壁帶懸楣欄檻皆以沉香為之臨春後主自居  
結綺張貴妃居之望仙孔貴嬪居之日與十狎  
客飲酒賦詩先令貴嬪等八婦人裝采箋製五  
言十客一時繼和遲則罰酒採其尤艷麗者為  
曲被以新聲 略云璧月夜夜滿瓊樹朝朝新  
君臣酣歌自夕達旦以此為常 張貴妃名麗華  
髮長七尺膚黑  
如漆其光可鑑聰慧有神彩每瞻視盼睐光彩  
溢目映照左右常於閣上靚粧臨軒檻宮中望

之飄飄若神仙後葬路傍有人夜行聞吟詩聲  
云獨臥經秋墜鬢蟬白楊風起不成眠追思昔  
日歡房寵浹濕衣衫損舊顏次日閱之  
乃一古塚詢訪故老始知為麗華墓也

後主於清樂中造黃驪留及玉樹後庭花金釵兩  
鬢垂等曲其詞綺艷相高極於輕蕩玉樹曲云  
麗宇芳林對高閣新粧艷質本傾城映戶凝嬌  
乍不進出惟含態笑相迎妖姬臉似花含露玉  
樹流光照後庭

後主七夕宴宣猷堂座有張式陸瓊顧野王褚玠



傅緯陸瑜柳莊王瑳等十三人重詠牛女各為  
五韻後主詩曰明月照高臺。仙駕忽裴徊。雷徒  
聞車度。霞上見粧開。房移看動馬。斗轉望斟杯。  
靨色隨星去。髻影褫雲來。更覺今宵短。只遽日  
輪催。

孫右軍建亡後江總為其誌銘後主又題銘後四  
十字遣左民尚書蔡徵宣敕就宅鐫之其詞曰  
秋風動竹。烟水驚波。幾人樵徑。何處山阿。今時

日月。宿昔綺羅。天長路遠。地久雲多。功臣未勸。  
此意如何。時論咸以為榮。

沈婺華後主之后望蔡侯君理女也。以張貴妃權  
寵經年。不得一御。後主當御后處。暫入。卽還。因  
戲贈曰。留儂不留儂。不留儂也。去此處不留人。  
自有留人處。后因答云。誰道不相憶。見罷倒成  
羞。情知不肯住。教我若為留。

後主造齊雲觀。國人歌之云。齊雲觀。冠來無際畔。

功畢未幾為隋師所虜先是禎明初後主作新  
歌辭甚哀怨令後宮美人習而歌之其詞曰玉  
樹後庭花花開不復久時人以為歌識

陳初江東有童謠云黃斑青驄馬發自壽陽渚來  
時冬氣未去日春風始皆不知所謂其後陳主  
為韓擒虎所敗擒虎本名豹黃斑之謂也平陳  
之際又乘青驄馬往反時節與謠相應兵初入  
臺城後主將走羣臣勸依梁武見侯景故事後

主不從曰吾自有井。乃挾宮人十餘出景陽殿  
投井。軍人窺井呼不應。欲下石。乃聞呌聲。以繩  
引之。與張貴妃孔貴嬪同束而上。所謂胭脂井  
是也。楊修詩云。擒虎戈矛滿六宮。春花無樹不  
秋風。倉皇益見多情處。同穴甘心赴井中。井在

法寶寺石欄紅痕若胭脂相傳後主與張孔淚  
痕所染寺卽景陽宮故地也井又名辱井唐陸  
龜蒙詩古堞烟埋宮井樹陳主吳姬墮泉  
處舜沒蒼梧萬里雲却不聞將二妃去

陳將亡有鳥一足集其殿庭以觚畫地成文云獨

足上高臺茂草變為灰欲知我家處朱門當水  
開解者以為獨足益指後主獨行無衆茂草言  
荒穢也隋承火運草得火而後灰及後主至長  
安館於都水臺所謂上高臺當水開者其言皆  
驗

後主入隋文帝給賜甚厚每預宴為不奏吳樂恐  
傷其心監者言叔寶與子弟等日飲一石終日  
沉醉罕有醒時帝曰且任其性不爾何以過日

及從東巡登芒山侍宴賦詩曰日月光天德山  
河壯帝居太平無以報願上東封書後從至仁  
壽宮及出文帝目之曰此敗豈不由酒

徐德言

太子舍人

徐德言尚後主妹樂昌公主時陳政方亂德言知  
不相保謂其妻曰以君之才容國亡必入權豪  
家儻情緣未斷尚冀相見乃破一照人執其半  
約曰他日必以正月望日賣於都市我當在卽

以是日訪之及陳亡公主果入越公楊素家寵  
嬖殊厚德言流離辛苦僅能至京遂以正月望  
日訪於都市有蒼頭賣半照者大高其價人皆  
笑之德言直引至其居設食具言其故出半照  
合之仍題詩曰照與人俱去照歸人不歸無復  
嫦娥影空留明月輝公主得詩涕泣不食素知  
之愴然改容卽召德言相見仍與偕飲素令公  
主賦詩公主遂口占一絕云今日何遷次新官

對舊官笑啼俱不敢。方信作人難。素厚遺之送還江南。竟以終老。

沈滿願

范靜妻

沈滿願詠竹火籠詩曰。剖出楚山筠。織成湘水紋。寒銷九微火。香傳百和薰。氤氲擁翠被。出入隨綳裙。徒悲今麗質。豈念昔凌雲。

沈滿願殘燈詩云。殘燈猶未滅。將盡更揚輝。惟餘一兩焰。猶得解羅衣。唐韋蘇州對殘燈詩云。獨



照碧牕。久欲隨寒盡滅。幽人將遽眠解帶。翻衣  
結韋詩寶出于沈。